

1.UVOD

Cerebralna paraliza predstavlja poremećaje pokreta i položaja, koji su nastali oštećenjem nezrelog mozga. Pojam "cerebralna" odnosi se na mozak, a "paraliza" na poremećaj pokreta i položaja.

Definicija i dijagnoza cerebralne paralize još uvijek su predmet mnogih rasprava. Predlaže se i novi naziv - centralni motorni deficit, vjerujući da je to bolje razumljiv termin. Cerebralna paraliza sveobuhvatan je naziv za različite poremećaje koji utiču na djetetovu sposobnost kretanja, kao i držanja tijela i ravnoteže.

Cerebralna paraliza je stanje koje nastaje kao posljedica veoma ranog, neprogresivnog oštećenja dijelova mozga.

Oštećenje može dovesti do velikog broja različitih smetnji, pa se tako javljaju poremećaji položaja i stavova tijela i poremećaji pokreta ili motorne funkcije koji se ispoljavaju u obliku paralize, slabosti, nekoordinacije ili nekog drugog poremećaja motorne funkcije i zahvataju neke ekstremitete (može da bude zahvaćen samo jedan ekstermitet), drugi dijelovi tijela ili cijelo tijelo.

Glavni uzroci koji dovode do pojave cerebralne paralize su:

- Prenatalni (od začeća do porođaja);
- Perinatalni (tokom porođaja i sedmicu poslije);
- Postnatalni (poslije prve sedmice iza porođaja).